



地藏菩薩本願經

上海佛學書局印行



地藏菩薩本願經

上海佛學書局印行

偈 向 迴

普爲出資暨讀誦受持

輾轉流通者迴向偈曰

願以此功德 莊嚴佛淨土

上報四重恩 下濟三途苦

若有見聞者 悉發菩提心

盡此一報身 同生極樂國

一切出資者 展轉流通者

現眷咸安樂 先亡獲超昇

風雨常調順 人民悉安康

法界諸含識 同證無上道

地藏菩薩本願經

出版 上海佛學書局

地址 上海常德路四一八號

電話 六二四七〇五一五

出版日期 二〇〇一年八月

印刷 華東師範大學印刷廠

印數 伍仟本

開本 大三十二開

上海市新聞出版局內部資料準印證二〇〇一年一三六號

目次

卷上

忉利天宮神通品第一

分身集會品第二

觀衆生業緣品第三

閻浮衆生業感品第四

卷中

地獄名號品第五

如來讚歎品第六

利益存亡品第七

閻羅王衆讚歎品第八

稱佛名號品第九

卷下

校量布施功德緣品第十

地神護法品第十一

見聞利益品第十二

囑累人天品第十三

附

佛說盂蘭盆經

忉利天宮神通品第一	七
分身集會品第二	二七
觀衆生業緣品第三	三三
閻浮衆生業感品第四	四二
地獄名號品第五	六四
如來讚歎品第六	七一
利益存亡品第七	七八
閻羅王衆讚歎品第八	九七
稱佛名號品第九	一三
校量布施功德緣品第十	一二二
地神護法品第十一	一三一
見聞利益品第十二	一三六
囑累人天品第十三	一五七
佛說盂蘭盆經	一七四

地藏菩薩本願經

香 讚

爐香乍爇，法界蒙熏。諸佛海會悉遙聞，
隨處結祥雲，誠意方殷，諸佛現全身。
南無香雲蓋菩薩摩訶薩

三稱

覺林菩薩偈

華嚴第四會。夜摩天宮，無量菩薩來集，
說偈讚佛。爾時覺林菩薩。承佛威力，
徧觀十方，而說頌言。

譬如工畫師，分布諸彩色，虛妄取異相。
大種無差別，大種中無色；色中無大
種，亦不離大種，而有色可得。心中無
彩畫，彩畫中無心，然不離於心。有彩

畫可得，彼心恆不住，無量難思議，示現一切色，各各不相知。譬如工畫師，不能知自心，而由心故畫，諸法性如是，心如工畫師，能畫諸世間。五蘊悉從生，無法而不造。如心佛亦爾，如佛衆生然，應知佛與心，體性皆無盡。若人知心行，普造諸世間。是人則見佛，了佛真實性。心不住於身，身亦不住心。

而能作佛事，自在未曾有，若人欲了知。
三世一切佛，應觀法界性，一切唯心
造。

昔人有云：一偈之功，能破地獄，何況
此全一章偈耶。願思此言，勉共傳誦。

讚

稽首本然淨心地，無盡佛藏大慈尊，
南方世界涌香雲，香雨花雲及花雨，
寶雨寶雲無數種，為祥為瑞徧莊嚴，
天人問佛是何因？佛言地藏菩薩至。

三世如來同讚歎，十方菩薩共歸依，
我今宿植善因緣，稱揚地藏真功德。

慈因積善，誓救衆生。手中金錫，振
開地獄之門。掌上明珠，光攝大千世界。
智慧音裏，吉祥雲中。為閻浮提苦衆
生，作大證明功德主。大悲大願，大聖
大慈。本尊地藏菩薩摩訶薩。

南無本師釋迦牟尼佛 三稱

開經偈

無上甚深微妙法，
百千萬劫難遭遇。
我今見聞得受持，
願解如來真實義。

地藏菩薩本願經卷上

唐于闐國三藏沙門實叉難陀譯

忉利天宮神通品第一

如是我聞：一時佛在忉利天，為母說法。
爾時十方無量世界，不可說不可說一
切諸佛，及大菩薩摩訶薩，皆來集會。
讚歎釋迦牟尼佛，能於五濁惡世，現不
可思議大智慧神通之力，調伏剛強衆生。

，知苦樂法。各遣侍者，問訊世尊。是時，如來含笑，放百千萬億大光明雲，所謂大圓滿光明雲、大慈悲光明雲、大智慧光明雲、大般若光明雲、大三昧光明雲、大吉祥光明雲、大福德光明雲、大功德光明雲、大歸依光明雲、大讚歎光明雲、放如是等，不可說光明雲已。又出種種微妙之音：所謂檀波羅蜜音、

尸波羅蜜音、羼提波羅蜜音、毗離耶波羅蜜音、禪波羅蜜音、般若波羅蜜音、慈悲音、喜捨音、解脫音、無漏音、智慧音、大智慧音、師子吼音、大師子吼音、雲雷音、大雲雷音、出如是等，不可說不可說音已。娑婆世界，及他方國土，有無量億天龍鬼神，亦集到忉利天宮。所謂：四天王天、忉利天、須焰摩

天、兜率陀天、化樂天、他化自在天、
梵眾天、梵輔天、大梵天、少光天、無
量光天、光音天、少淨天、無量淨天、
徧淨天、福生天、福愛天、廣果天、無
想天、無煩天、無熱天、善見天、善現
天、色究竟天、摩醯首羅天、乃至非想
非非想處天，一切天眾、龍眾、鬼神等
眾，悉來集會。復有他方國土，及娑婆

世界。海神、江神、河神、樹神、山神、地神、川澤神、苗稼神、晝神、夜神、空神、天神、飲食神、草木神、如是等神，皆來集會。復有他方國土，及娑婆世界，諸大鬼王。所謂惡目鬼王、噉血鬼王、噉精氣鬼王、噉胎卵鬼王、行病鬼王、攝毒鬼王、慈心鬼王、福利鬼王、大愛敬鬼王、如是等鬼王，皆來集

會。爾時，釋迦牟尼佛，告文殊師利法王子菩薩摩訶薩：『汝觀是一切諸佛菩薩，及天龍鬼神。此世界、他世界。此國土、他國土。如是今來集會，到忉利天者。汝知數不？』文殊師利白佛言：『世尊，若以我神力，千劫測度不能得知。』佛告文殊師利：『吾以佛眼觀故，猶不盡數。此皆是地藏菩薩，久遠劫

來。已度、當度、未度，已成就、當成就、未成就。』文殊師利白佛言：『世尊，我已過去久修善根，證無礙智。聞佛所言，即當信受。小果聲聞、天龍八部，及未來世諸衆生等。雖聞如來誠實之語，必懷疑惑。設使頂受，未免興謗。唯願世尊，廣說地藏菩薩摩訶薩，因地作何行？立何願？而能成就不思議事。